

www.BibleForChildren.org

Matiu 8



Kəni nahu kın, kimnor narkurəkien kirik apa Kena,
yerkwanu kirik apa Galili. Kini mama kape Yesu
rimavən ye narkurəkien a. Kini kimnokrən mın kın
Yesu mine kafan narmamə minə mə tukhavən mın ye
narkurəkien a.




Ǝmaikin, narmamə kimnhanim fam waen, kini mama kape Yesu rimini-pən tukun mimə, “Nitawə waen ruikək.” Mərig kafan mama rimini-pən tuk yorwok minə aikin mimə, “Takasor naha nhagin yame kwən e ramni.”



Kini Yesu rini-pən tuk yorwok minə mə,
“Havi-pən nu ye tikikwipir minə e.”
Kimnhavən mhavi-pən nu irəriə kisokrig
huvə.



Kini rini-pən tuk əriə mımə, “Havi-ta nu tıksın, mhavəh, mhavən, mhavəhsi-pən kimi yemehue kape nəviginien.” Kini kimnhavən masor.



Kini yemehuə kape nəviginien riminim əsigəvin, mərig
nu rinor ta waen kin. Kini reinein mə kimivəhs hiə waen
e. Mərig narmamə yamə
mine kimnhavi-ta nu a
mhavəh mhavən, iriə əmə
kharkun. Kini yemehuə
kape nəviginien
rimnokrən kin
yermamə yame
rimnarkurək pə
pə əmə, mini-pən
tukun mīmə, . . .



. . . “Tukmə nəviginien ehə kirik, narmamə kasəkupən
mhavəhsi-ərhav waen yame rhuvə pik, kini narmamə
kamhanım ripsaah, misapıs
kin, kini ai, kipivəhsi-ərhav
yame rıpəh nihuvə-pikien.
Mərig yakaməm mə
ik nımnərəhu karın
yame rhuvə rapita,
raməmır meriaji
nakpihavəhsi-ərhav
ai taktakun.”





Kini nĩm t̄etien yame Yesu rĩmnor apa Kena ye Galili in
nĩm t̄etien yame In rĩmn̄ekupan mor
rhajoun-p̄n nehūeyen kafan,
kini kafan narmam̄e min̄e
kimishat̄et̄e tĩmtĩm iran.



Aikin, Yesu rarar, mivən apa nimə kape Saemon Pita.
Ye nipig a, kuhu Saemon ramhə maməpan-əpan pik,
kini Yesu rimavən məm, məker-pən ye
kwermın, məkneikin nəpan-əpanien rəta.



Kini piahwaru a rarer, mivən miruk ta nəriə nəviginien.



Kini rinamenaiyu, narmamə yamə mine kimnhamhə,
mine narmamə yamə mine nanmin has raməmir irəriə,
iriə mine tiksın

kimnhakır-pə əriə tuk
Yesu. Narmamə minə
fam a yerkwanu aikın,
kasofugin əriə minə ye
kwəruə ye nimə Yesu
ramarə ikin.



Kini Yesu ror huvə narmamə khapsaah yamə mine kimnhavəh nəmhəyen pisin pisin. In maməko ta min nanmin hah minə ye narmamə, mamni-əhu nanmin has minə mə tukhapəh nisəgkiarien, meinai iriə kwənharkun-ta In.




Kini narmamə yamə mine kimisərer rao rao kin,
misarkut mə tukharap In meinai nəsaninien ramsi-pən
iran mamor huvə fam narmamə.



Mərig nıpiğ raməgkiar hanə, narmamə kuas kharəh
yermamə kirik. Nıpran rımamhə.



Nimə rukwar kin narmamə, ror pən,
iriə to khapəh nharəhyen yermamə
ai mhavən ipakə tuk Yesu.




Mərig khavən mışaktə apa tokrei
nimə, mışəhipu ta nıkar nimə kırık, kını
mharəh nıkaokao yermamə
ramapir-pən iran, mhavi,
reiwaiyu-pən.



Yesu rəm nhatətəyən kapəriə, mini-pən tuk yermamə ai
nıpran rımamhə, mımə,

“Kafak kwajikovə. Yo
yakwərəhşi-ta ta
narpınien kape
təvhagə has kafam.”

“Yakamni-pre tuk ik
mə takhekımtər,
mırəh kafam
nıkaokao, meriwək,
mamvən apa
imam yerkwanu.”




Kini ai, Yesu rat-pən ye bot, kini kafan narmamə minə
khakwasig kin. Məkneikin, nimətag
ehuə kirik rimnəvi nu, kini nu
rinamakətənim kin bot.
Mərig Yesu ramapir.



Kini Yesu raiyoh-pən əriə mīmə, “?Nakashawor mamhagin məkneikin? ?Nhatətəyən hiə kapəmiə?”
Kini rarar, mīni-əhu nīmətag mīne peao-peao ehue.
Nīmətag reiwaiyu. Nu reiwaiyu mamərinu mīn. Mərig nəmə mīnə a kisakur, misaiyoh əriə mīnə mhamə, “!Eh!
?Naha e yermamə?
!Nar apnapig mə nīmətag mīne nu, mərig tukmə raməgkiar

kawor nəkwan!”



Ror məkneikin meinai Kughen rorkeikei
narmamə m-fam ye tanımtanə mher-pə
kin Yo, Tini kwənkwan kirikiane əmə,
mə narmamə yamə mine kashatətə
irak, tukhapəh nhamhəyen, mərig
tukhavəh nımraghien rerin.



Rom 3:23

meinai narmamə m-fam kasor təvhagə hah, kini masəvi-əkiə ye swatuk kape natuatukien kape Kughen yame rhuvə makhak.

Rom 6:23

Ror məknakin meinai nərokien kape təvhagə hah in nimhəyen; məriḡ nar yame Kughen ravəhsi-pə apnapig əmə kimi ətawə, in e nimraghien rerin yame ramsi-pən tuk Yesu Kristo Yermaru kapətawə.

Hibrus 9:27

Kitawə narmamə, Kughen rimnərəhu nipig yame narmamə kirikianə kirikianə tukhamhə iran, kini tukhamhə mikirikianə əmə. Kini kwasig ikin, In tukrəkir kapətawə norien minə.



Efesas 2:8,9

Meinai nihuvəyen kape Kughen in swatuk yame Kughen ravəh miragh əmiə iran, meinai nakashatətə iran. Pəh nien mə kimie atuk nimisor swatuk mə Kughen tukrivəh miragh əmiə- Kughen pisin əmə ravəh miragh narmamə, nərokien rikək iran. Pəh nien mə wok kirik yame narmamə kasor, tamə kisausit tukun.

Rom 10:9,10

mimə tukmə nakhani-ərhav ye nhermie mhamə Yesu in Yermaru, kini tukmə nakshatətə əfrakis yerkimie mfam mə Kughen rimivəh miragh Yesu ye nimhəyen kafan, kini Kughen tukrivəh miragh əmiə. Ror məkneikin meinai Kughen ramor narmamə kisatuatuk ye nimirin nipig kishatətə əfrakis iran yerkirie. Kini Kughen ravəh miragh narmamə nipig irie kamhanti-ərhav ye nherie mhamə Yesu in Yermaru.



Jon 3:16,17

Ror məkneikin meinai Kughen rorkeikei narmamə m-fam ye tanımtanə mher-pə kin Yo, Tini kwənkwan kirikianə əmə, mə narmamə yamə mine kashatətə irak, tukhapəh nhamhəyen, mərig tukhavəh nımraghien rerin. Pəh nien mə Kughen rımnher-pə kin Yo Tini mə jakuə mivəhsi-pən narpınien kimi narmamə. Mərig rımnher-pə kin mə Yo jakuə mor swatuk tuk nıvəh-mıraghien narmamə ye tanımtanə.

1 Jon 5:11-13

In e nəgkiarien yame Kughen ramni-ərhav, mə Kughen rıvəhsi-pə nımraghien rerin kimi ətawə, kini nımraghien e, kivəh tuk Tini. Narmamə yamə mine kamhavəh Ji Kughen yerkirie, irie kamhavəh nımraghien. Mərig narmamə yamə mine khapəh nhavəhyen Ji Kughen yerkirie, khapəh nhavəhyen nımraghien. Yakamrai nəgkiarien minə e kimi əmie yamə mine nakshatətə ye nhag Ji Kughen, mə kimie takharkun huvə mə nakwənhavəh ta nımraghien rerin.



Matiu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter, Sarah S.

Tanna Southwest NT (nwi) © 2012, Wycliffe Bible
Translators, Inc. All rights reserved.

<https://www.bible.com/bible/485/MAT.1>

©2026 Bible for Children, Inc.

www.M1914.org

www.bibleforchildren.org

